


www.BibleForChildren.org


Genesis 1




Ma mwena handru badeh
Kindrei mwesekei
munyak ma kandrah.




Ya munyak kahis le badeh ma
lakou aliy bwe, ndras badeh
nohowan handru udu bolo lulik.
Eme ya boto-on ta Malawi
Ndrabun ta Kindrei badeh
edek bwele-e gwa.



Eme Kindrei eme, iy anya eh, “Kon kaleu.”
Eme badeh kon aleu. Eme iy anyolom badeh
ma iy sekesekek handru.




Eme iy tondrohani kon aleu badeh, “Len,” ma tondrohani lulik badeh, “Ben.” Ano kon eben ano kon aleu badeh len ari ah.



Ano Kindrei anya eh, “Ya abo lakou i buku asi jor badeh keme kasahan ki la-uh kon, ari kudu ndrandrahun labai ya ari kudu ndrandrahun labai.” Eme badeh asahan i le buku aliy. Eme iy tondrohany lakou i buku asi jor nane badeh “Kandrah.” Ano kon eben ano kon aleu badeh, len la-uh ai.




Ano Kindrei anya ja eh, “Abo gwa badu bahandra kandrah badeh keme lese ma hawe munyak kasahan.” Eme asahan i le buku aliy. Eme Kindrei badeh tondrohani kon soboren badeh, “Munyak” ma iy tondrohani gwa udu se nane dah, “Ndras.” Eme Kindrei anyolom badeh ma iy sekesek handru.




Ano iy anya eh, “Abo kei ma bwidiu kasahan bwele-e munyak, kato-ou buwa kei ma kato-ou salin ya iri badeh ndratcheyan labai.” Eme badeh asahan i le buku aliy. Ano kon eben ano kon aleu badeh len taloh ai.




Ya eme Kindrei badeh mwesekei lakou la-uh tinan ta
anya, iy mwesekei an baden eh ta
atondrok len ai. Ya bun baden eh
ta atondrok ben ai; ma hawe iy
mwesekei iri ndrau ale. Ano kon eben
ano kon aleu len hahuw ai.



Ano Kindrei anya ja eh, “Ya abo lakou mulin kasahan bolo gwa ma reu kaso na sirih.” Eme kon eben ano kon aleu len limeh ai.



Ano Kindrei anya eh, “Abo iri saba lakou katin haka badeh kasahan bwele-e munyak. Iri katin haka ndriliu ma ndriliu bwe, nadu bwisik ma tinan badeh kasahan. Ya iri badeh ndrateheyan labai.” Eme asahan i le buku aliy.




Ano Kindrei anya ja eh, “Ya abo i dah kameh to kamwekes ndramak awas ai; ya teheyan ma kone oro ki le buku to. Ya eme oro kameh katondrok iri ni, katondrok iri sirih ma katondrok iri katin haka ndriliu ma ndriliu bwe, bwisik ma tinan.”


Eme Kindrei anyolom lakou mari iy mwesekei doh badeh ma iy sekeseke handru ta aliy. Ano kon eben ano kon aleu badeh len onoh ai.



Ano badeh Laban Kindrei atehei ndramak nane udu
bilin lobocho kon Iden ta iy kinyor ma iy katondrok.



Ano iy tiye i tan, “Ou badeh winiyan aimon buwa kei mari badu bolo bilin; Arile kei ala ta leheya tanan ndra-in ma ta leheya tanan mwasin badeh ou saimon buwan ndri-i labai. I buku na len ou aniy kameh, ou kameh amak.”




Eme ma iy tondrohani nyara iri
sirih mari ma hawe iri katin haka
mari; arile ari toro badeh mwasin
ta asahan borobwar tan bwe.



Ano ja badeh Laban Kindrei badeh mwesekei ndramak dah amadin tuk; eme iy i ndramatinou kahis le badeh iy andrei ndrui kabeden ari. Ano iy lowosani odan i hamon ja. Eme iy mwesekei badih dah nane na ndrui kabede ndramak dah ano sirini iy ili hawen.




Eme ya ta katin doh badeh i mwan
badeh karuwani taman uru tinen ya iy
keme len hawe udun ya uru badeh ka
ari buruwen.



Sahou doh handru, tasah Kindrei aso-ok
taha lau marakon badu kon munyak tinan
labai. Iy eme tikisi taha, ma iy atehei nadun
mwan ari le eme tataha. Buku are lau iy
atehei budon handru in tan, iy kameh
winiyan bamak bwe, ma kohan handru
kameh ta udu le buku doh.



1



60



Rom 3:23

Tasah, taha mari badeh, ta amekes kandriyen ndra-in, ma taha asahan i le randra. Taha ataras mara-ei ta kalem mene Kindrei atehei ma taha winiyan bala bolo lomadan tan bwe.

Rom 6:23

Tasah, sihine karei ma lomondra ndra-in badeh, imek le. Arile, Kindrei edeu ndramas laleyah i ta lau badeh, kohan ta udu le buku doh i san ta Laban Jises Krais le.

Hiburu 9:27

Lau marakon kameh amak san rasan le, ano kameh iri asahan ta len ta sahou.



Epesus 2:8,9 Lakou doh, aha amwenen mene bamekes bwe. Kindrei edeu laleyah ewek taha. Aha mene atehei le budon handru in ta Krais, ma na so-ok ta Kindrei le amwenen, iy andrei aha ame hamon ja. Idoh winiyan basahan bala buku ndramas ta gok nane aha amekes, bwe. Eme ma, ari mwan o badih winiyan batudun nyara iri amwenen bwe, ma anya, “Jo le amwenen ibo gok, ma jo asahan mwasin ta budon ta Kindrei, ma iy andrei jo eme hamon ja.” Idoh sahou ta wasai!

Rom 10:9,10 Ya, i buku none ou asehek na bohomo eme lewan anya, “Handru, Jises badeh, iy Laban,” ma ou atehei budon tam handru na ndrinem katiye ta Kindrei badeh, mete-ei Jises ta imek handru, idah kameh, iy akohok ou ame hamon. Tasah, ou badeh, atehei budon tam handru na ndrinem, ya eme Kindrei aloh ou mwasin mara-ei ta madan. Ma ou asehek sahou na bohomo eme lewan, ma eme iy akohok ou ame hamon.



Jon 3:16,17

“Sahou doh handru, tasah Kindrei aso-ok taha lau marakon badu kon munyak tinan labai. Iy eme tikisi taha, ma iy atehei nadun mwan ari le eme tataha. Buku are lau iy atehei budon handru in tan, iy kameh winiyan bamak bwe, ma kohan handru kameh ta udu le buku doh. Kindrei atehei nadun eme andri bolo kon munyak ta edeu ndramak ari, ari ala ta mada sahou, bwe; iy eme ta akohok taha ado ta bolo kandriyen ndra-in ame hamon ja.



1 Jon 5:11-13

Ya sahou handru Kindrei asehek i buku doh: Iy ndramesekei san ta taha ta akohok kohan mwasin ta udu le buku doh. Ya san ta akohok kohan mwasin ta udu le buku doh badeh, asahan ta gok, nadun mene ndramesekei ereu ta kei tondreh. Are lau ihis hawe Nadu Kindrei, iy ndrakahok kohan mwasin ale winiyan bano bwe. Arile, are lau bahis hawe Nadu Kindrei bwe, iy winiyan bakohok kohan mwasin ta ereu le buku doh, bwe. Jo atorou ewek taha, ta aha katanan, buku aha ndrakahok kohan mwasin winiyan bano bwe. Ou are lau ale atehei budon tam handru in ta Nadu Kindrei en.



Genesis 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies, Tammy S.

Nyindrou Bible (lid) © 2001, Wycliffe Bible Translators, Inc.
All rights reserved.

<https://live.bible.is/bible/LIDWBT/MAT/1>

©2026 Bible for Children, Inc.

www.M1914.org

www.bibleforchildren.org

